

D. Plácido Álvarez Dobaño e D. José Miguel Caride Domínguez, na sua condición de voceiros do Grupo Provincial Popular e do Grupo Provincial de Democracia Ourense na Deputación Provincial de Ourense, con base ao previsto nos artigos 91 e 97 do ROF, e de acordo á Lei de Base Reguladora do Réxime Local e o Regulamento da Corporación, presentan a seguinte **MOCIÓN CONXUNTA EN DEFENSA DAS LIBERTADES EDUCATIVAS CONSAGRADAS NA CONSTITUCIÓN**, para o seu debate no pleno da corporación, tendo en conta a seguinte

EXPOSICIÓN DE MOTIVOS

Os pais/nais son os primeiros responsables da educación dos seus fillos/as. Ese papel non pode ser substituído nin condicionado polo Estado, ao contrario, os pais/nais deben de ter a seguridade de que o Estado os protexe e garante os seus dereitos.

A Constitución Española de 1978 no Título primeiro “De los derechos y los deberes fundamentales”, no seu **artigo 27º**, “**Todos tienen derecho a la Educación. Se reconoce la libertad de enseñanza**”. Non foi unha decisión casual, se non, que respondeu á vontade dos constituintes para que ambos dereitos se toparan nun plano de igualdade.

Ao largo dos corenta anos de vixencia da Constitución, as diferentes reformas educativas defenderon con maior ou menor paixón ambos dereitos, desenvolvidos e reafirmados tamén pola xurisprudencia do Tribunal Constitucional.

No obstante, o derradeiro proxecto de lei do partido socialista, a chamada LOMLOE, cuestiona o primer gran pacto educativo da Transición ao tentar limitar as liberdades educativas recoñecidas na Constitución.

As recentes manifestacións da Ministra de Educación, que a pesar da abundante normativa e xurisprudencia, entre elas a Declaración Universal dos Dereitos Humanos que no su art 26º.3 establece que “ los padres tendrán derecho preferente a escoger el tipo de educación que habrá de darse a sus hijos” xerou unha gran alarma social por canto cuestionan que os pais/nais poidan escoller a educación dos seus fillos/as, algo que se materializa cando as familias escollen un centro educativo e non outro.

*Grupo Provincial Democracia Ourense
Progreso 32 - 2º
32003, Ourense*

*email: democraciaourensana@ourense.gal
facebook.com/democraciaourensana*

Grupo Provincial Popular

T. 988 317 976 - www.gppourense.com - N.I.F.: V 32237471 - administracion@gppourense.gal

Descoñece tamén a Ministra que o **Art 27º.3 da Constitución Española** establece con claridade que **“Los poderes públicos garantizan el derecho que asiste a los padres para que sus hijos reciban la formación religiosa y moral que esté de acuerdo con sus propias convicciones”**.


En virtude de todo o exposto, o Grupo Provincial Popular e o Grupo Provincial de Democracia Ourense, propoñen ao pleno os seguintes:

ACORDOS:

1. Respetar e defender a Constitución Española e a xurisprudencia emanada do Tribunal Constitucional en relación ao Art 27º, que sitúan no mesmo plano de igualdade o dereito á educación e a liberdade de ensinanza, mediante un desenvolvemento armónico de ambos dereitos.
2. Garantir que os pais/nais, como primeiros responsables da educación de seus fillos/as, escollan o tipo de educación e o centro educativo onde escolarizar aos mesmos.
3. Defender a rede de centros concertados como garantes de la existencia dunha oferta plural complementaria á rede pública, tal e como manifestou o Tribunal Constitucional, e por tanto defender a liberdade de elección das familias, asegurando a igualdade de oportunidades das mesmas no exercicio deste dereito o que implica que ambas redes, pública e privada-concertada terán que ter os recursos necesarios que aseguren este dereito.
4. Promover e respaldar a autonomía organizativa e pedagóxica dos centros, respetando o carácter propio dos mesmos, para desenvolver proxectos educativos de calidade que poidan responder ás inxerencias e prioridades das familias co fin de que estas poidan escoller con total liberdade.

5. Garantir a existencia e gratuidade dos centros de educación especial, tanto na rede pública como na privada-concertada, como garantes da liberdade de elección das familias.
6. Respetar e cumprir o Art 27º3 da Constitución que obriga aos poderes públicos a garantir o dereito que asiste aos pais/nais para que os seus fillos/as reciban a formación relixiosa e moral que esté de acordo coas súas propias conviccións.
7. Abandonar calquer intento dirixido a suprimir a demanda social do Art 109.2 da LOMCE como factor determinante por parte das administracións á hora de ofertar as plazas educativas.
8. Dar traslado deste acordo ao Goberno de España para que, a través do cumprimento de todos os puntos desta proposta, defenda e garante as liberdades educativas consagradas na Constitución Española.

Ourense, 18 de novembro de 2019



D. Plácido Álvarez Dobaño.



D. José Miguel Caride Domínguez.

A/A. SR. PRESIDENTE DA DIPUTACIÓN PROVINCIAL DE OURENSE